



**Tana rupa ke
Stuvatum ke Crakeik tota**

(c) Damien Etcheverry

Xantof krent kan Kotava. Ewaveem daskiyin
gan yon TG- talpey.

Xanto : Stuvatum ke *Crakeik* tota ;
Dustulera ke Walker (16-e otuk, 2026).

Krentara is ponara is piskura skuyuna
gan Damien Etcheverry (2026).

DUSTULERA KE WALKER

1-e ~ **Sistu dwir**

London, 11/1722

*Gire tana cinafa tota levi bïldera
va levetirik ko Jamaika, i City of
Bristol tota, gan tcordik su zo dïlfur.
Sïn va leveririk den indïik ke
Miskito krimta tunuyayad aze va
drig mo letafa ewala jovleyed moida
va redakik vrayayad. To bareafa
tota levgasa va mana dïlfura tir !
Batcoba tir warzapafa, dïlion gu
Espana is Franca tit. Sistu toz
dwïpir. Va tufa kottomon ilbedev.
Harley Oluïkye va jin al tagar. Mal
Afrika kabdion dïmlapï. Banlize liza
dïlizecker.*



2-e ~ Orpa ke kaza

São Tomé, 1715

Mali 1707 is vangluyasa biotapa do Portugala, koe Afrika to dalon vezú. Va São Tomé albacká. Arienta tid drikafa, levetirik algaf, isen portugalik va kaza tufakad. Ostik va Castro rikulik grupeyen koe Açores tursia katrasiyi. Banlize ilaneon va 3 tota gu 200 ik 300 levetirik ba kot vajara volmiv tukotrá. Azen van Jamaika ok Barbadosa. Drasura vas 20 % remi koyara, batcoba zavzar roruna.



3-e ~ Taneafa kogrupara

London, 12/1722

*Ae, gu sitafa kogrupara zo vajgé
gogotu datan tcordik sates va cinyor
levetirikaf vaj tid. Ison va sir
tunuyad, volimpavantason ! Volpes
torafa ! Sistu va bazaxo is rastoko
kotrafa gu cobekaf kridjoveks pu jir
fenkur. Toloy ozodaf sutelasik tciced
Kaliapon va yona kanyuva toz
deokav, va giva toz tuageltav, vo
mewiyina daza pebuv. Yontan vo
mana kogrupasa kobara leve rak
albad, vols jin. Voxen enwe ina ti
vrebafa isen savseluxaxa en tic
moavaxo.*





Kot totaredakik va totaneva
vieleon gokridjover ise ba mallapira
az artlapira pinton gomunester. City
of Bristol tota zo dilfuyur moida va
cinafo Jamaika boniaxo fu domuyur.
Gan toktan ? Bata kogrupara va jin
toz dulapar : gan redakikya ! Bat-
coba va ovopacka budar. To golai-
tena gorukafa liza tir.

Sutelasik va kridjoveks ke cinyon
redakik cobekon vrizud numen
baroya ara arienta dere askoasa va
bulafa redakikya co tid. Va movuks
ke ireglies tcordik ke konako xo ke
Kariba bira dace dadiv, i ke tulong
Santa Marina. Va miwaks va lana
Marjorie Oluikya vagekirafa gu

totatantazukot is va « Crakeik » tota
trasiv. Koni tiki ke kotcoba soe tin
mefakafi.

Ari stragani tegi. Bak 1721, espanaj
folk ke San Lorenzo kene Darien
krimta gan pirtapaf tcordik zo
dilfuyur. Sin va tufapa ke ilaneaf
kamba ke India kum moava ik
dilgava ik aka divnariyid. Koe
munesteks maneyen pu espanaf
gazafa rictaga, rovoksudayan gar-
tan cinaf toidesik koe Sevilla.
Quiroga oluaf redakik dirgas va folk
stragayar da tcordaf okilik tiyin
ayikya, i latkafa listapikya bar-
sandafa, opelon dubieyesa neki-
umbeyesa va ina is virutsikeem, az

mallapiyisa kan inafa tolnoriskafa
bovreda. Bantode gire, meke
gorukafa bazexa va koni tiki exoner
Voxen bana vema sume Jamaika me-
tigir. Voxisen meka giva male
francafa neya ok Saint-Domingue
Oken kan xollandik.

Numen to tselka rotir : lar
Margaret O'Donaghan, tikison va
anameda dem eireaaf divblinik koe
Nantes koe Franca, bak 1710 mo bir-
kal Antilla kan bovreda aptor
vegeduyuna mallapiyir, i kan tota
akoyeson yoltkirafa gu « Crakeik »
Voxen santolda tir to abrotcipafa gu
remblira dene tcordikeem, moekote
ke ayikya !

4-e ~ Va lan azed, Sistu
gomaltegir

London, 12/1722

— *Ko Jamaika fugin lapí. Ban lize lané da va gorukafa giva ware gracasa kayestatá. Isen ede va nokast rokucilas va bowesik is detík is tota co zílíl, pune lané da va bata tcordíkya dívvascato numaze ben beta wageya vrayatá Jinafa zanasoka ika jin pulvír Kotviele va láitera gorá, pune kal tenekara vol nyú.*

— *Finé. Va anton tanda. Va bai parodjik deokal !! Mu minafu sisti is aliuca ke Tanaragazaxo.*





5-e ~ Dimlapira ko Jamaika

Kingston, 03/1723

*Dimlapira ko Jamaika, arti san-
alubda. Boniixo zultón al zo voner.
Impavanta ke Sistu tid akenafa.
Sume London is orikafo gopafo
bazaxo, va idul is griva ke bwa is
levetiraf ebeltik is olegara va stuva
dimdrasú. Va tublias gael kan rizap
kagaelá. Kingston va Port Royal
vilayan gan ruftacek al ledunger.
Firday dem tcordik mea tir. Ede yon
sin zavzad, pune mesaason deokatá.
Va aliuca pu Engla is seltay !!*



6-e ~ Va inaf vask kalvilatá

Spanish Town, 10/1724

*Kogrupara slayar loon dam
trakuyú voxen va femeem re gí.
Volnikya koe Quemada vasker,
blison do Quiroga zatkaŋ bowesik !*

*Henry Bentinck bowesik va
Jamaika tir cinaŋ danusik. Va jin
gonopomar. 500 lizukaŋ sayakik
moe toloya ervokirafa geŋatota kaŋ
Quemada fu zo rembured aze va
ewala is virutsa is Quiroga is
Marjorie Oluikya vangitid. Toa
acagira, vol umbetev.*





7-e ~ Olgalicura va Quemada

Alubeaksat ke 1725

*Divtotav. Cínafa bulisa gíja-
rotiuca va kota acagíracka vere
vilar. Fird va molt apkad. Tíceon
vane berma, abic espanaf sayakik
sinton lalospad íse djukuracagid.
Ax mana gríva ke goa ís ílam-
siskera ke doaliera kan dug koe
nuba ! Va sín fu kadímuon vajíkev.
Kle va drasun vílt fiste gotarutev.
Va sín blís kuraní, í va ínaya ís
bowesík ínafe vakolye !*



8-e ~ Wivga lajupotcer

Alubeaksat ke 1725



*Va Quemada is molt az widavo
az herma kaliackon vangiv. Qui
roga bowesik dum libol su zo balier
mea pulvitir ! Voxen inafa eireafc
vakolya al lajupotcer. Tokkane, tok
liz ?*

*Va bazaxo ke Quiroga kolani. Va
jontik dulapas valdig kosma. Vox
azen... inya va jin modisuker..
gexata keve trutca... silukon tere
kosma. Inya tir listafa... ede to inc
en tir !? Va inya katrasiti.*





9-e ~ Dim London

1726

*Al rodjé, laninde. Ko London
dimlapí, va arienta me nyú. Kot-
coba me tír fim. Quemada ewala
mu Engla zo olgalicuyur, íka efe
aksura va díli, numen dílfura va
cinyona levetirikafa tota mea tid.
Sistu va dírnura va jín vols mergíl
dunur.*

*Inya dív Quemada al lajupotcer.
Toklíz re tigickir ? Laitera zo
dakír. Batcoba re tír to jínafa
ílkaca.*



10-e ~ Enomara va pilkot
ke zatkikya

Teveaksat ke 1727

Mwa pu kottan zo sorewar. Va zatkura ke Margaret O'Donaghan al wazdé. Kore inya mali loon tolsanda gracayar, pune va abdi-gadaf jiom koe Eírea wan digiyir. Gu rokeem zo aytcusir numen Dromore zo enomar aze pu ron-kevak neyikany abicdroe zo doler.

Inaf tawadayik, katalikevaj eireik dum bonol blid. Koe Jamaika ok Barbadosa tid biwe nuyaf loon dam levetiraf ebeltik.



11-e ~ Ware eca xatcaxa

Tolsaneaksat ke 1730

*Tanda al korisad. Marjorie Olu
ikya, Margaret O'Donaghan nugri
awiyir. Va inafa conyuta koe fleca
miduxo koe Cahuita al dimdrasú
Seiton gire rodjé. Va miduxo
kalvilá, va kotcoba anteyá, va
detik aytá. Neken va tokcoba pu
jin inya firvir ? Va biwe delt va
ina, i va ar iskeyen keve rigotc
dum staksa moretiasa... va jir
meviele gralometel ! Inya er
listafa !*



12-e ~ Va inya ké...

Pereaksat ke 1731

Va herma ke Quemada volmiv gin vegeđuyú. Al koirubá. « To ina va rin katrasitir !»~ kev gexata daretomon mbi putcegayá. Kle gue, va inya koeon ké. Va finta dem inaf delt ika gablexa koo kotafa Kariba gola volmiv al amuzé. Enwe ina dí gruper.

Va kotcoba rotisa icde ina koe aptafa olkotca al kataná, i va toloya trutca volasa voxis listaj kadulaf gem inon diskiyin. Vieleon va inya auzú.

